

MINISTARSTVO OBRAZOVANJA NAUKE, KULTURE I SPORTA

484

Na osnovu člana 144. Zakona o radu („Službene novine Federacije B i H“ broj: 26/16. i 89/18.) Sindikat srednjeg i visokog obrazovanja, odgoja, nauke i kulture BiH za HNK-a, Sindikat srednjih škola HNŽ-a kao predstavnici radnika i Ministarstvo obrazovanja nauke, kulture i sporta HNK-a, kao predstavnik poslodavca, zaključuju

KOLEKTIVNI UGOVOR O DOPUNAMA I IZMJENI KOLEKTIVNOG UGOVORA ZA DJELATNOST SREDNJEG OBRAZOVANJA U HNK-A

Član 1.

U Kolektivnom ugovoru za djelatnost srednjeg obrazovanja u HNK-a broj: 05-02-02-1315/21 od 09. 09. 2021. godine („Službene novine HNK“ broj.7/21.) u članu 5. dodaje se stav (2) koji glasi:

„ Prilikom iskazivanje prestanka potreba za radom radnika sa kojima su škole zaključile ugovor o radu na neodređeno vrijeme, sa punom ili nepunom normom, kao osnovni kriterij uzima se radni staž na poslovima u istoj školi.“

Član 2.

U članu 26. dodaje se stav (3) koji glasi: „Direktor može radniku dati dodatak na platu maksimalno 5% u godini za posebno zalaganje.“

Član 3.

U članu 83. stav (1) mijenja se i glasi:“ Ovaj Kolektivni ugovor vrijedi do 06. 06. 2025. godine.“

Član 4.

Kolektivni ugovor o dopunama i izmjeni Kolektivnog ugovora za djelatnost srednjeg obrazovanja u HNK-a smatra se zaključenim kada ga potpišu ovlašteni predstavnici ugovornih strana.

Član 5.

Dopune i izmjena Kolektivnog ugovora za djelatnost srednjeg obrazovanja u HNK-a, nakon zaključivanja objavit će se u Službenim novinama HNK-a.

Sindikat srednjeg i visokog obrazovanja,
odgoja, nauke i kulture BiH za HNK-a,

Edina Čomić.s.r.

Sindikat srednjih škola HNŽ-a

Josip Milić,s.r.

MINISTAR
dr. sc. RašidHadžović,s.r.

Broj: 01-02-1170/23

Mostar, 06. 06. 2023. godine

485

Na osnovu člana 177. stav 7. Zakona o osnovama bezbjednosti saobraćaja na putevima u BiH („Službene novine BiH“, broj: 6/06, 75/06, 44/07, 84/09, 48/10, 18/13, 8/17, 89/17 i 9/18) i člana 34. Pravilnika o načinu i uslovima organizovanja ispita za vozača motornih vozila, te člana 30. Pravilnika o osposobljavanju za vozača motornih vozila (Službeni glasnik BiH, br. 46/12), Pravilnika o kontroli i nadzoru ispunjenosti uslova rada autoškola, osposobljavanja i provedbe ispita kandidata za vozača motornog vozila (Službene novine HNK br. 3/15) i Pravilnika o dopuni pravilnika o kontroli i nadzoru ispunjenosti uslova rada autoškola, osposobljavanja i provedbe ispita kandidata za vozača motornog vozila (Službene novine HNK br. 2/19 i 5/23) kao i Odluke o načinu obrazovanja i utvrđivanju visine naknade za rad radnih tijela osnovanih od strane vlade HNK i rukovodilaca kantonalnih organa državne službe (Službene novine HNK broj: 6/12) ministar Ministarstva donosi

RJEŠENJE

O IMENOVANJU KOMISIJE ZA KONTROLU I NADZOR NAD PROVOĐENJEM PROPISA KOJIMA SU PROPISANI USLOVI I NAČIN RADA AUTOŠKOLA, OSPOSOBLJAVANJE KANDIDATA ZA VOZAČE I POLAGANJE VOZAČKOG ISPITA

I.

Ovim Rješenjem imenuje se Komisija za kontrolu i nadzor nad provođenjem propisa kojima su propisani uslovi i način rada auto-škola, osposobljavanje kandidata za vozače i polaganje vozačkog ispita na području Hercegovačko-neretvanskog kantona u sljedećem sastavu:

1. Elvir Heljić, dipl. pravnik, predsjednik,